



D V P A Y S D E T O V -  
R A I N E .

**L**A TOVRaine ou païs Tourangeau, n'est pas de grande estenduë, ayant l'Aniou à l'Occident, duquel elle est separee par le terroir de Saumur, & vne partie du Poictou, duquel il est diuisé par la riuere de Crése, au midi lui est le Poictou le long de ceste riuere de Crense, vers le port de Pile separant la Guyenne des Tourangeaux, & de la part mesme du Midi lui est le Berri, duquel il est separé par les finages de Chastillon, sur Indre, vers l'Orient selon le cours de Loire, lui est le païs de Blois, & vne partie du Berri, duquel le fleuve de Cher la diuise.

Soubs la Duché de Touraine  
sont

sont cōprises les places de Chisnon, Lodun, Thouars, Langefts Amboise, Loches, Chastillon sur Indre, Montrichard, & autres lieux.

---

FONDATION DE LA  
VILLE DE TOURS CAPI-  
TALLE DE TOVRaine.

**T**OURS est la principale & capitale ville du païs Tourangeau, & l'vne des plus anciennes de Gaule, bastie sur le Loyre long temps deuant Troye par les vieux Gaulois & Aborigines, & non par vn Turnus Troyen, comme ont voulu conter quelques vns, bien pourroit estre vray que le premier fondateur fut Turnus, mais non pas qu'il fut Troyen.

Tours

Tours est vn Archeuesché, contenant soubs soy les Eueschez du Mans, Angers, Rennes, Nantes, Cornoüaille, Vannes, Leon, Tregnier, Dol, S. Malo, & S. Brieu.

Le 1. pasteur des Tourangeaux fut S. Gratian, du temps de Diocletian Empereur.

L'an huitiesme de Valent Empereur, (sçauoir l'an de nostre salut trois cents soixante & quinze) S. Martin natif de Pannonie en Hongrie, fut cree troisieme Archeuesque & pasteur des Tourangeaux. Icelui auoit esté Cheualier soubs Iulian l'Apostat, duquel apres auoir obtenu son congé s'en vint en Gaule avec S. Hilaire Euesque de Poictiers, lequel estoit allé au Concile de Millan disputer contre les Ariens.

Ce fut ce bon pasteur s. Martin  
qui

qui apprit aux Tourangeaux le  
vray moyen de seruir & hono-  
rer Dieu, & feit bastir l'Eglise ca-  
thedrale dediee au nô de S. Gra-  
tian. Il fut Archeuesque 26. ans 4.  
mois 17. iours.

Sainct Brice lui succeda , &  
commença à faire bastir vne E-  
glise au lieu où reposoient les  
sacrez ossements d'icelui , la-  
quelle Eglise fut acheuee par S.  
Perpetue & dediee au nom du  
bien-heureux S. Martin. S. Bri-  
ce tint l'Euesché quarante sept  
ans.

L'Eglise de S. Geruais & S.  
Prothais fut fait bastir par le  
douziesme Euesque nommé Om-  
mar, senateur , citoyen d'Auer-  
gne: lequel commença aussi cel-  
le de nostre Dame.

L'abbaye de Marmonstier fut  
fondee par S. Martin. Ce mot  
de Marmonstier signifie autant

com-

*Mar-  
mon-  
stier.*

242 DESCRIPTION  
comme maieur monstier.

*Greg.*  
*de*  
*Tours* Ce grand & docte personnage Gregoire de Tours (noble de race & de vertu) fut le dixneuuesme Euesque : ayant esté auparauant moyne, & disciple de S. Auic Euesque d'Auuergne.

Martin quatriesme Pape du nõ estoit natif de Tours.

La ville de Tours est des plus riches du Royaume, tant pour la fertilité du païs, que pour le bon mesnage & trafic des Citoyens, qui s'y sõt exercez à faire la soye, aussi bien qu'ë Italie. C'est pourquoy on nomme ceste place le iardin de France.

---

DE PLUSIEURS CHOSES  
*memorables aduenues à TOURS.*

**D**V temps de Charles Martel, en l'an sept cëts vingtneuf,

neuf, il y eut iusques au nombre d'environ trois cents quatre vingts mille Sarrazins, & leur chef nommé Abderame, tous deffaiçts pres la ville de Tours, par le susdiçt Martel, assisté des Tourageaux. Ces barbares estâs venus en Gaule, pour penser l'ocuper.

Du temps d'Eufronie 18. Archeuesque de Tours, la cité fut toute esprise en feu, & bruslee avec toutes ses Eglises, deux desquelles ce bon Euesque feit rebastir.

L'eglise s. Martin fut aussi toute bruslee du temps du Roy Clothaire par ses gens, lesquels poursuiuoit vn Duc d'Aquitaine nommé Vvillecarie, qui s'estoit sauué dans ceste Eglise. Le susdiçt Roy Clothaire la feit rebastir plus belle qu'au precedent & recourir d'estain.

Trois

Trois Conciles ont esté tenus à Tours, le premier l'an 462 pour le fait de la religion. Leon surnommé le grand seant à Rome.

3 Cō-  
ciles  
tenus  
à

Tours  
Le 2.

Le 2. concile fut tenu en l'an 556 ou environ, sous le Pape Pelagie 1. du nom: touchant le fait de plusieurs ceremonies qui se ressentoint encor du Paganisme.

Le 3. fut en l'an mil cinq cents six sous le pontificat de Victor 2. contre Berenger Archidiacre d'Angers, niant que le corps & sang de Iesus Christ fussent au saint Sacrement; la consecration estant faite par le prestre. Auquel concile presida vn Cardinal nommé Hildebrand, au lieu du Pape: là fut conuaincu Berenger, par vn Abbé de Caen nommé Lanfranc, qui fut par apres Archeuesque de Catorbic.

Le 3.  
contre  
Beren-  
ger  
gari-  
us.

En

En fin Berenger se recogneut  
& confessa son erreur: comme  
il est mesme porté *Can. Ego Beren-*  
*garius, de consecrat. Distinct. 2.*

En memoire de laquelle con-  
fession & recognoissance, les <sup>sacre.</sup>  
Angeuins ont de coustume de <sup>d'Ans</sup>  
celebrer le iour du S. Sacrement <sup>gers.</sup>  
à Angers tous les ans, depuis ce  
temps la, plus sollennellement  
qu'en aucune ville du Royaume.

---

DE LA VILLE D'AMBOISE.

**L**A ville d'Amboise (qui n'e-  
stoit iadis qu'un bourg fort  
ancien) est situee sur le long de  
la riuere de Loire, en un tres-  
beau paisage, terroir plaisant &  
bien aëré, la où les Rois font  
leur seiour.

S. Martin y fait bastir la pre-  
miere Eglise appelée Marmon-  
stier;



*Idoles  
demo-  
lies  
par S.  
Mar.* stier; ayant fait demolir les au-  
tels & idoles des faux Dieux.

L'eglise de S. Florentin d'Am-  
boise fut fondee par Foulques  
de Nerra Comte d'Aniou, lequel  
y meit des Chanoines, & les ren-  
ra fort bien, & dóna vne piece de  
la vraye Croix, qu'il auoit apor-  
tee de la terre saincte.

Ceste place auoit esté subiette  
aux Princes Angeuins iusques au  
têps de s. Louys, que l'Aniou fut  
vni à la couronne, & qu'il en feit  
Duc Charles son frere.

*Am-  
boise  
ruin-  
nee  
par  
les  
Da-  
noys.*

L'an huit cents quatre vingts  
deux, au temps que les Danois  
coururent la Gaule, sous le re-  
gne de Louys 3. iceux abbatirent  
le chasteau d'Amboise & sacca-  
gerent la ville. Par apres vn Com-  
te d'Aniou, nommé Ingelgerie  
feit rebastir le chasteau.

*Mort  
subite  
de  
Char-  
les 8.*

Charles 8. mourut à Amboise  
tout subitement regardât iouër  
à la

à la paulme les gentils hommes  
de la cour.

Ce fut à Amboise que com-  
mencerent les premieres semen-  
ces des guerres ciuiles de Frâce,  
en l'an mil cinq cents soixante &  
vn soubs le Roy Fráçois 2. du nô;  
& où premierement fut mis en  
auant le nom de Huguenot en  
France.

---

DE LA VILLE DE MON-  
*trichard & autres.*

**D**V costé d'Amboise, entre  
l'Orient & le Midi, est la  
place de Montrichard situee en  
belle planure, enceinte de ro-  
chers & boscages d'vn costé; &  
de l'autre de belles prairies, a-  
yant la riuere de Cher qui l'a-  
uoisine.

Hors ceste ville y a des maisóns  
soubs

## 248 DESCRIPTION.

soubs terraines, & au dessous  
d'icelles des iardins & vignobles

Du temps du Roy Robert ce-  
ste place fut bastie par Foulques  
Nerra, Comte d'Aniou, dans la-  
quelle il y a vne fort grosse & ad-  
mirable tour.

Chaumont est aussi vne belle  
& forte ville situee en lieu plai-  
sant. Comme est encor l'Abbaye  
de Cormeri; de laquelle estoit re-  
ligieux le docte & insigne perso-  
nage Ioachim Perion, qui a tra-  
duit trespaslegamment les œu-  
res d'Aristote, & celles de S. De-  
nis: Et plusieurs autres liures ont  
sorti de l'estude & labeur de ce  
personnage.

---

DE LA VILLE DE LO-  
CHES.

Sur le fleuve d'Indre, au pais  
Touangeau est situee la ville  
&

& fort de Loches, laquelle ne donne memoire de soy que depuis l'an de nostre salut neuf cents, quoy qu'elle semble estre plus vieille.

Le chasteau de Loches est tellement basti qu'il est presque imprenable: estant situé sur vn haut rocher, n'ayant qu'une seule entree deffenduë d'un beau & superbe portail, armé d'un gros boulleuert, de fortes murailles, & doubles fossez, fort profonds: & ne se peut prendre ce chasteau par escalade; de sorte qu'estant fourni de ce qui est necessaire pour vn fort, n'y a force humaine qui le sceust forcer.

*Chasteau de Loches.*

Pres de Loches est l'Abbaye de beau lieu, fondee par le susdict Foulque Nerra, en laquelle reposent les corps de S. Daire & S. Crisant, & vn morceau de la pierre

VILLE  
C. 8. 8.  
deue d  
angau

pierre du saint Sepulchre de nostre Seigneur.

Dans l'Abbaye de Beaulieu y à vne pyramide toute de pierre de dix à douze coudees de haur, en la cõcauité de laquelle, il ya écor des lettres Gothiques, fort anciennes, qui demõstrét ce lieu estre de grande antiquité.

Ceux de Loches, ayans esté fideles au Roy Charles 7. obtindrent de lui le droiët de huiëtisme de vin, & de peage.

L'eglise principale de ce lieu fut fondée en l'honneur de la sacree vierge Marie par Geffroi Gri segonnelle, Côte d'Anjou; sous Clothaire. C'est vn des plus somptueux edifices que l'on scauroit demander, tout basti de pierre de taille: Auparauant y auoit vne petite chappelle dediee à la Madeleine.

En la diëte Eglise est vne ceinture

re

re nostre Dame, & le corps de S. Herimellant Euesque. Dans le Chœur est aussi le corps de la belle Agnes amie & fauorite du Roy Charles 7. effigiee au naturel sur vn tombeau de marbre; Plus y est le corps de Louys Sforce, iadis Duc de Milan.

Dedans le chasteau de Loches fut descouuert par vn capitaine nommé Pont-Briant, des voutes soubz terraines, fermees avec des huys de fer, & au bout vne chambre carree, dans laquelle estoit vn geant de merueilleuse stature, assis sur vne pierre, tenant sa teste appuyee contre ses deux mains, comme s'il eust dormi: mais aussi tost q' l'air eut touché ce corps, il s'en alla en poudre, excepté la teste & les costes, & autres ossements, qui furent encor lógtéps gardez en l'Eglise de Loches.

*Voul-  
tes  
soubz  
terraines à  
Loches.*

M

Aupres de ce geant estoit vn petit coffret de bois, dans lequel y auoit quelque quantité de lin-ge, beau & bien ployé, lequel fut aussi reduict en poudre, au mes-  
me temps qu'on y toucha.

Dans le susdict chasteau est en cor vn logis Royal, nommé par les habitans les Sales; de la fondatiõ du Roy Louys 11. Et tout ioigné est celui de la belle Agnes: mais les deux ensemble n'ẽ font main tenant qu'vn.

*Don-  
ion  
de Lo-  
ches.*

Dauantage ya vne belle tour pareille à celle de Montrichard, carree, & fort ancienne, faicte des le temps des Romains. Aupres de ceste tour, on void vn gros donion basti depuis deux cents ans: & paracheué par le Roy Louys 12. & sert de prison pour ceux que le Roy veut tenir en seure garde.

Dans ce donion sont deux ca-  
ges

ges de fer, qui sont les logis des prisonniers, ainsi recommandez.

Lesdictes cages peuuent contenir six pieds de large, & huit de long, ny ayant place que pour mettre vn petit pauillon pour coucher.

*Cages de fer.*

Le siege de Loches depend du presidial de Tours.

---

DV CHASTEAU DE  
*Paulmy.*

**N**On loin de Loches est le chasteau de Paulmi situé sur vn haut lieu, en vn air fort bon, ayant par derriere vn beau parc fermé de murailles, contenant enuiron deux lieuës d'enceint: & au dedans deux grands estangs venans de plusieurs fontaines. Tellement que cest vn des plus beaux & plus rares



chasteaux de la France, il est arrosé du fleuve nommé Brignon.

Ce chasteau fut commencé à bastir l'an mil quatre cents quarante neuf par messire Pierre de Voyer Cheualier, & Marguerite de Bets son espouse; lequel feit rebastir la chapelle de ce lieu que les Anglois auointruinée, côme aussi le chasteau.

Il y a quatre Chapelains en la susdicte chapelle, & est dediee à l'honneur de S. Nicolas erigee en doyenney, la collation duquel appartient aux Seigneurs de ce lieu comme Patrons.

En ce lieu reposent les corps des Seigneurs de Paulmi. Auquel y a haute & basse iustice, bailli & lieutenant; Il y a aussi 4. foires par an.

Les Seigneurs de ceste place sont nommez Voyers, descédus d'un vaillant Cheualier Grec nommé

méBafille, lequel estoit en grand credit & autorité sous Charles le Chauue: & fut surnommé Voyager, nom qui est demeuré à ses successeurs.

---

DES VILLES DE LODUN ET DE CHINON.

**L**ODUN est encor du ressort de Touraine, située entre les riuieres de Touer & de la Crense, qui iadis eut vn Seigneur particulier.

ALodun y a siege Royal, ayant son Bailli ou Vice Bailli, avec les Lieutenants.

Après est la ville de Chinon, assez ancienne qui n'estoit iadis qu'vn simple bourg: & qui fut autrefois vne des maisons de plaisir des Rois de France, & particulièrement de Charles 7.

du temps que ses ennemis & haïeux ne l'apeloient que Roy de Touraine.

Ce fut en ce lieu que lui fut amenée la pucelle Ieanne, native de Vaucouleur en Lorraine, qui n'estoit qu'une simple bergere, guidée & fauorisée de la grace de Dieu, par le moyen & secours de laquelle il recouura sa couronne.


*Rabe  
lais,  
natif  
de  
Chi-  
non.*

François Rabelais, vray Atheïste, estoit natif de Chinon, lequel fut Religieux: mais en fin il ietta les frocs es orties, pour exercer plus librement sa vie lubricque: viuant comme vn Epicurié, ne passât iamais aucun iour qu'il ne fust yure, & tout barbouillé de vin.

Il composa le liure de Pantagruel, & autres discours pleins de bouffonnerie, qui tesmoignent assez quel estoit son genre  
de

DE LA FRANCE. 257  
de viure, bien qu'il fust tresdocte,  
principalement en medecine &  
iurif prudence.

---



DV PAYS DV  
MAINE.



Le pais du Maine est tres-  
ancien, car la ville de Ro-  
me prenoit encor son  
commencement, lors  
que les Manceaux passerent en I-  
talie, & establirent leur siege en  
Lombardie contre le Pau: où ils  
bastirét plusieurs villes, comme  
Bergame, & Bresse, chassans les  
Toscans & Etruriens, qui posse-  
doient la pluspart d'Italie.

M 4